

**Kalaallit Nunaanni sulisilluni ajoqusersinnaanermut isumannaarineq pillugu
inatsit malillugu inuussutissarsiornermi nappaatigilikkat
nalunaarutigineqarnissaat pillugu nalunaarut**

Inatsimmut nalunaarut nr. 75, 16. januar 2017-imeersoq, aamma Kalaallit Nunaanni Namminersorlutik Oqartussat isumaqatigiinniartigereerlugit, Kalaallit Nunaanni sulisilluni ajoqusersinnaanermut isumannaarineq pillugu inatsimmi § 38 aamma § 39-imi *imm. 1.* malillugit, aalajangerneqarpoq:

§ 1. Nakorsat kigutillu nakorsaasa inuussutissarsiornermi nappaatigilikkani Sulisilluni Ajoqusernerit pillugit Sullissivimmut, Arbejdsmarkedets Erhvervssikring-ip Kalaallit Nunaanni immikkoortortaarfianut, nalunaarutiginninneranni nalunaarut atorineqassaaq.

§ 2. Nalunaarummi matumani inuussutissarsiornermi nappaatigilikkat Kalaallit Nunaanni sulisilluni ajoqusersinnaanermut isumannaarineq pillugu inatsimmi § 7 malillugu inuussutissarsiornermi nappaatigilikkat paasineqassapput.

§ 3. Nakorsat kigutillu nakorsaat, inuussutissarsiuertik malillugu inuup inuussutissarsiornermini nappaatigilikkamik nappaateqalersimaneranik paasisaartut imaluunniit inuussutissarsiornermini nappaateqalersimaneranik ilimagisaqalersut imaluunniit suliffimmini arlaatigut sunnertinnermik ajoqutaasunik sunnertissimanermik paasisaartut, Sulisilluni Ajoqusernerit pillugit Sullissivimmut tamanna pillugu nalunaarutiginnissapput. Nappaatinut, suliffimmut tunngatillugu nakuuserfigineqarnermik, qunusaarneqarnermik aamma suliffiup avataani inniminniilliorfigitinnermik allanik pissuteqartunut, nalunaartussaataaneramik pisussaaffik aamma atuuppoq. Nalunaarutiginninneq ilanngussaq 1-imi takuneqarsinnaasunik paasissutissanik imaqaassaaq.

Imm. 2. Nakorsaq aamma kigutip nakorsaa, Kalaallit Nunaanni aalajangersimasumik atorfilik imaluunniit utaqqiisaagallartumik inuussutissarsiuertigalugu sulisoq kinaluunniit nalunaarutiginninnissamik pisussaataavoq.

Imm. 3. Nakorsaq kigutilluunniit nakorsaa nappaammik ilisimasaqalerniariartoq aamma sulinerlutik atassuteqarneranik ilimatsaassaqalerniariartoq, nalunaarutiginninneq pissaaq.

Imm. 4. Ajoqusersimasup akuersissuteqaqqaarnissaa nalunaarutiginninnermi piimasaqaataannigilaq. Taamaattoq tamatuma kingorna ajoqusersimasup suliap suliarineqanniginnissaa Sullissilluni Ajoqusernerit pillugit Sullissivimmut noqqaassutigisinnaavaa.

§ 4. Nappaatip imaluunniit sunnertinnerup ajoqutaasup Sulisilluni Ajoqusernerit pillugit Sullissivimmut nalunaarutigineqareernerani, § 3, *imm. 1* malillugu nakorsap imaluunniit kigutip nakorsaata nalunaartussaataanera atorunnaassaaq.

§ 5. § 3 malillugu nalunaarutiginninneq www.anmeld.gl atorlugu elektroniskiusumik pisinnaavoq imaluunniit Sulisilluni Ajoqusernerit pillugit Sullissiviup (cfa.gl-ip) internettikkut nittartagaani immersugassamik aaneqarsinnaasumik atuinikkut pisinnaavoq.

Imm. 2. Akigititaq qaqugukkulluunniit beskæftigelsesministerimit aalajangersarneqartoq malillugu nalunaarutiginninneq akilerneqassaaq.

§ 6. Nalunaarut ulloq 1. Juli 2024 atuutilissaaq.

Imm. 2. Nalunaarut inuussutissarsiornermi nappaatigilikkanut, ulloq 1. Juli 2024 imaluunniit kingusinnerusukkut, nalunaarutigineqartunut atuutissaaq.

Imm. 3. Kalaallit Nunaanni sulisilluni ajoqusersinnaanermut sillimmasiisarneq pillugu inatsit naapertorlugu nakorsat aamma kigutit nakorsaasa inuussutissarsiutip nappaatigilersittagaani Arbedsskadestyrelsimut nalunaaruteqartussaataitaanerit pillugu nalunaarut nr. 1624, 21. december 2010-imeersoq atorunnaarsinneqassaaq.

Beskæftigelsesministereqarfik, ulloq

Atsiortoq 1

Atsiortoq 2

Ilanngussaq 1 - § 1, imm. 1 malillugu nalunaarutiginninnermi paasissutissat

§ 3, imm. 1 malillugu nakorsat aamma kigutit nakorsaasa inuussutissarsiornermi nappaatigilikkanik nalunaarutiginninnerat paasissutissanik tulliuttunik imaqassaaq:

- 1) Ajoqusersimasoq, atia, najugaqarfia, CPR-normua, atorfiata taaguutaa aamma nammineq nakorsaata atia.
- 2) Inuussutissarsiornermi nappaatigilikkatut paasineqartup imaluunniit ilimagineqartup imaluunniit suliffeqarfimmit sunnertinnerit ajoqutaasut pillugit nappaatip suussusersineqarnera
- 3) Nalunaarutiginnittup atia najugaalu, kiisalu CVR-normua.